



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Vita Et Epistolae Gregorii Papae VIII.

urn:nbn:de:hbz:466:1-15974

12 V R B A N V S C. P A R I S I E N S E . F R I D E R I C V S I . I M P E R A T O R .
P. III. P H I L I P P V S A V G V S T V S R. F R.

CONCILIVM PARISIENSE
PRO EXPEDITIONE CONTRA TVRCAS
fuscienda celebratum anno Domini M C L X X X V I .
tempore Urbani papæ III.

ANNO
CHRISTI
1186.

N O T A .

* Concilium.] De rebus in hac Synodo gestis ita Robertus Gaguinus lib. 6. Inter haec regis occupationes venere ab Hierosolymis ad Philippum Heraclius patriarcha Hierosolymitanus, & domus hospitalis prior, nuntii calamitatis quam Saladinus Aegyptius Christianis per Palestinam intulisset; locis aliquot non sine nostrorum cede occupatis. Cui incommode nisi catholici principes succurrant, res Hierosolymitanas in hostium potestatem brevi relapsuras. His querelis rex motus, Parisum regni pontifices aduocat. Quibus conuenientibus, edocet quis sit in Syria Christianismi status. Oportere quemque eorum per sua territoria populum admonere, ut misera Christianorum conditioni suspectias ferant: se quidem paratissimum esse qui in primis auxilietur, se presentium rerum conditio admittat: sed nibilo segnior missurum se ad id negotium viros strenuos cum valida militum manu. Oratione regis a presentibus laudata, paruo post tempore rex ex suis destinat, qui afflictis rebus opitulentur. Hæc ille.

VITA ET EPISTOLÆ
GREGORII PAPÆ VIII.

ANNO
CHRISTI
1187.

Gregorii
VIII. ele-
ctio quan-
do contige-
vit.

GREGORIUS VIII. patria Beneuentanus, cui nomen fuerat Albertus, cardinalis presbyter tituli sancti Laurentii in Lucina, altero die post obitum Urbani communione omnium consensu electus est anno Domini 1187. tempore Friderici imperatoris. Initio pontificatus Christianos principes legationibus literisque pro subsidio terræ sanctæ & de agenda pœnitentia ad diuersos scriptis solicitauit, vt exercitu terra marique comparato ad recuperandam Hierosolymam se colligerent. Ut vero facilius id quod suadebat consequeretur, Pisias se contulit, vt eius loci populos cum Genuensis foederis noui vinculo religaret, ac sic coniunctis copiis, quibus plurimum mari valebant, ad hanc expeditionem sanctissimam animarentur. Verum inopinatus vitæ illius exitus sanctæ expeditioni & voluntati Pisias finem imposuit. Obiit enim

GREGORII PAPÆ VIII. EPISTOLÆ. 13

decimo septimo Kalendas Ianuarii pontificatus sui die 57. Successit, inquit Vrspergensis, Vrbano in sede apostolica Gregorius octauus natione Beneuentanus. Sedit menses duos. Hic primum literas transmisit in orbem pro libera-
tione terræ sanctæ, multa statuens de correctione morum tam in clero quam in populo, vt pote de superfluitate vestium & choreis & aliis vanitatibus vitandis. *Hæc Vrspergensis.*

Obitus Gre-
gorii VIII.

EPISTOLA I.

GREGORII PAPÆ VIII.

AD OMNES CHRISTI FIDELES.

De clade Hierosolymitana. Omnes ad poenitentiam agendum admonet: & proficiscentibus ad bellum contra infideles plenariam indulgentiam concedit,

*Gregorius episcopus seruus seruorum Dei uniuersis Christi fidelibus
ad quos literæ istæ peruerent salutem & apostolicam
benedictionem.*

AVDITA tremendi seueritate iudicii, quod super terram Ierusalem diuina manus exercuit, tanto sumus nos & fratres nostri horrore confusi, tantisque afflitti doloribus, ut non facile nobis occurreret quid agere aut quid facere deberemus, nisi quod Psalmista deploret, & dicit: *Deus, venerunt gentes in hereditatem tuam: Psalm. 78.
coiquinauerunt templum sanctum tuum: posuerunt Ierusalem in pomorum custodiam: carnes sanctorum tuorum bestiis terræ, & escas volatilibus cæli, &c.* Ex occasione quippe dissensionis, quæ malitia hominum ex suggestione diaboli facta est nuper in terra, accessit Saladinus cum multitidine armatorum ad partes illas, & occurrentibus eis rege, & episcopis, & templariis, & hospitalariis, baronibus ac militibus cum populo terræ, & Cruce dominica, (per quam ex memoria & fide passionis Christi, qui pependit, & genus humanum redemit, certum solebat esse tutamen, & contra Paganorum incursus desiderata defensio) facta congreßione inter eos, & superata parte nostrorum, capta est Crux dominica, trucidati epi-

B iii

14 GREGORII PAPÆ VIII.

scopi , captus est rex , & vniuersi fere aut occisi gladio , aut hostilibus manibus deprehensi , ita vt paucissimi per fugam dicantur elapsi . Ipsi quoque Templarii & Hospitalii in eius oculis decollati . Superato autem exercitu , qualiter subsequenter inuaferint & rapuerint vniuersa , ita vt non nisi pauca loca remansisse dicantur , quæ in eorum non deuenerint potestatem , non credimus nostris literis explicandum . Nos autem licet cum propheta dicere habeamus : *Quis det capiti meo aquam , & oculis meis fontem lacrymarum , & plorabo nocte ac die interfectos populi mei?* non tamen adeo deiicere nos debemus , vt in diffidentiam decidamus , & credamus Deum ita populo suo iratum , vt quod communium faciente multitudine peccatorum fieri permisit iratus , non cito per misericordiam poenitentia placatus alleuieret , & post lacrymationem & fletum exultationem inducat .

Quisquis sane in tanta lugendi materia , si non corpore , saltem corde non luget , non tantum fidei Christianæ , quæ cum omnibus dolentibus docet esse dolendum , sed ipsius & humanitatis nostræ oblitus : cum ex ipsa periculi magnitudine ac feritate barbarica Christianorum sanguinem sitiente , ac totam suam in hac apponente virtutem , vt profanare sancta , & titulum Dei valeant auferre de terra : quod nos tacemus , discretus quisque valeat aestimare . Sane cum prophetæ toto prius studio laborauerunt , postmodum apostoli , & sequaces eorum , vt diuinus cultus esset in terra illa , & ad omnia climata mundi ex ea deflueret , imo , quod maximum & ineffabile est , Deus , qui voluit incarnari , per quem facta sunt vniuersa , per ineffabilem sapientiam & incomprehensibilem misericordiam suam , per infirmitatem carnis , esuriem , siti , Crucem , & mortem , & resurrectionem , salutem nostram ibi voluit operari , iuxta quod dicitur : *Qui operatus est salutem in medio terræ:* per seipsum ad hoc dignatus est laborare , nec lingua dicere , nec sensus cogitare potest , quantum nobis & vniuerso dolendum sit populo Christiano , quod id nunc perpetua est terra illa , quod sub veteri populo legitur pertulisse . Nos autem credere non debemus , quod ex iniustitia iudicis ferientis , sed ex iniquitate potius populi delinquentis ista prouenerunt , cum legamus , quod quando

Ierem. 9.

Psal. 73.

populus conuertebatur ad Dominum , persequebatur v-nus mille , & duo fugabant decem millia : imo , ipso populo quiescente , exercitum Sennacherib angelica manu consumptum . Sed & terra illa deuorauit habitatores suos , & nec diu habere quietum statum , nec transgresores legis diuinæ potuit retinere : doctrinam & exemplum tribuens illis qui ad cælestem Ierusalem intenderent , quod non possunt ad eam nisi per exercitium boni operis & per tentationes plurimas peruenire . Potuerunt autem ista timeri iampridem , quando Arroasia , & alia terra in potestatem transiit Paganorum , & fuisset bene prouisum , si populus qui remansit ad poenitentiam rediisset , & Deum , quem præuaricatione offenderat , conuersione placasset . Nec enim subito venit ira eius , sed & vltionem differt , & tempus tribuit poenitenti . Tandem vero , qui in misericordia iudicium non amittit , vindictam suam ad poenam transgredientium & cautelam saluorum exercet .

Porro nos , qui in tanta terræ illius contritione non solum peccatum habitatorum illius , sed & nostrum , & totius populi Christiani debemus attendere ac vereri , ne quod reliquum est illius terræ depereat , & in alias etiam potestas eorum desæuiat regiones ; cum ex omnibus partibus inter reges & principes , ciuitates & ciuitates dissensiones audiamus & scandala , vt lugere cum propheta & dicere valeamus : *Non est veritas , non est scientia Dei in terra : oī. 4. mendacium , homicidium & adulterium inundauerunt , & sanguis sanguinem terigit .* Vnde hoc vniuersis & cogitandum imminet & agendum , vt peccata nostra castigatione voluntaria emendantes , per poenitentiam & opera pietatis conuertamur ad Dominum Deum nostrum , & in nobis primo quod male gessimus emendemus , deinde feritatem & malitiam hostium attendamus : & quod illi contra Deum tentare non timent , nos pro Deo agere nullatenus haſitemus . Cogitate itaque , filii , qualiter in hunc mundū venistis , & qualiter exituri estis , & qualiter transierant vniuersa , & pariter transeatis & vos : & poenitendi ac bene agendi tempus , quantum spectat ad vos , cum gratiarum actione recipite , & date vestra , date post vosipſos , quia non estis ex vobis , nec quidquam a vobis habetis , qui

16 GREGORII PAPÆ VIII.

nec culicem vnum potestis facere super terram. Nec dicimus , dimitte , sed præmittite in cælesti horreum quæ habetis , & deponite apud eum, apud quem ærugo ea non demolitur , aut tinea , nec fures effodiunt , & furantur ; laborantes ad recuperationem terræ illius, in qua pro salute nostra Veritas de terra orta est , & sustinere pro nobis Crucis patibulum non despexit : & nolite ad lucrum vel gloriam temporalem attendere , sed voluntatem Dei , qui pro fratribus animas in seipso docuit esse ponendas ; & ei vestras commendate diutinas , quas siue volentes , siue nolentes , nescitis tandem quibus heredibus sitis relicturi. Non est equidem nouum , quod terra illa iudicio diuino percutitur ; sed nec insolitum , ut flagellata & castigata misericordiam consequatur. Poterit Dominus quidem sola eam voluntate seruare : sed non habemus ei dicere cur ita fecerit. Voluit enim forsitan experiri , & in notitiam ducere aliorū , si quis sit intelligens aut requires Deum , qui oblatum sibi pœnitentia tempus hilariter amplectatur , & animam ponendo pro fratribus consummetur in breui , & compleat tempora multa. Attendite qualiter Machabæi zelo diuinæ legis accensi pro fratribus liberandis extrema quæque pericula sunt experti , & non solum substantias , sed & personas pro fratrum docuerint salute ponendas , exhortantes seipso atque dicentes : *Accingimini , & estote filii potentes , quoniam melius est nobis mori in bello , quam videre mala gentis nostræ & sanctorum.* Et quidem illi sub vna constituti lege fuerunt , vos per incarnationem Domini nostri Iesu Christi ad lucem veritatis adducti , & multis exemplis instructi sanctorum sine trepidatione aliqua faciatis , & non timeatis dare terrena & pauca , & breuiter duratura , quibus illa bona promissa sunt , & reposita , quæ nec oculus vidit , nec auris audiuit , nec in cor hominis ascenderunt , de quibus dicit Apostolus : *Quod non sunt condigne passiones huius temporis ad futuram gloriam quæ reuelabitur in nobis.*

Eis autem qui corde contrito & humiliato spiritu itineris huius laborem assumpserint , & in pœnitentia peccatorum & fide recta decesserint , plenam suorum criminum indulgentiam , & vitam pollicemur æternam. Siue autem superuixerint , siue mortui fuerint , de omnibus pec-

1. Mach. 3.

Rom. 8.

peccatis suis , de quibus rectam confessionem fecerint , impositæ satisfactionis relaxationem de omnipotentis Dei misericordia , & apostolorum Petri & Pauli auctoritate & nostra se nouerint habituros . Bona quoque ipsorum , ex quo crucem acceperint , cum suis familiis sub sanctæ Romanæ ecclesiæ , nec non & archiepiscoporum , & episcoporum , & aliorum prælatorum ecclesiæ Dei protectione consistant , & nullam de his quæ in susceptione crucis quiete possederunt , donec de ipsorum reditu vel obitu certissime cognoscatur , sustineant quæstionem , sed bona eorum integra interim maneant & quieta : ad dannas quoque usuras , si tenentur alicui , non cogantur . Nec eant in vestibus preciosis , & cum canibus , siue auibus , aut aliis quæ ostentationi potius & lasciuia , quam necessariis videantur usibus deseruire , sed in modesto apparatu , & habitu , in quo poenitentiam potius agere quam inanem affectare gloriam videantur . Datum * Ferrariae quanto Kalendas Nouembris , indictione † sexta .

* Apud
Nouembris
genesim
habetur,
Datum
Feretini.

† inchoata
videlicet.

EPISTOLA II.

GREGORII PAPÆ VIII.

AD OMNES FIDELES.

De ieunio seruando ad placandum Deum offensum.

Gregorius episcopus seruus servorum Dei uniuersis Christi fidelibus , ad quos literæ istæ peruerenterint , salutem & apostolicam benedictionem .

NVNQVAM melius superni Iudicis ira pacatur , quam cum ex mandato ipsius carnalia in nobis desideria extinguntur . Proinde quia Hierosolymitanæ terræ discrimin , quod irruentibus Sarracenis nuper euenit , ex peccato maxime habitatorum terræ , & totius populi Christiani accidisse non dubitamus , nos de fratum nostrorum communi consilio , multis episcopis approbantibus , statuimus ut omnes usque ad quinquennium , saltum per omnes sextas ferias , in cibo quadragesimali ieunent ; & Missa , ubi cantanda fuerit , ad Nonam cantetur : quod ab aduentu Domini usque ad natale Domini statuimus obseruandum : feria vero quarta & sabba-

Concil. Tom. 28.

C

18 GREGORII PAPÆ VIII. EPISTOLÆ.

to omnes indifferenter, qui bene valent, a carnibus abstineant. Nos autem & fratres nostri in secunda quoque feria nobis & familiis nostris esum carnis interdicimus, nisi forte aut infirmitas, aut magna solennitas, vel alia euidens causa visa fuerit impedire; sperantes quod sic nobis ignoscet Dominus, & relinquet post se benedictionem. Hoc igitur adeo statuimus obseruandum, ut qui cumque transgressor extiterit, quasi prævaricator quadragesimalis ieunii habeatur. Datum Ferrariae quarto Kalendas Nouembbris.

Hæc Gregorius. Qui eodem mense adiecit alias, quibus statura literis Urbani papæ prædecessoris, etiam non obstante eius obitu, voluit suam habere firmitatem, & robur obtainere, quæ ab eodem Rōgero in annalibus Anglicis descriptæ sic se habent:

EPISTOLA III.
GREGORII PAPÆ VIII.
AD OMNES PRÆLATOS ECCLESiarVM.

Pro iustitia facienda & litibus componendis.

*Gregorius episcopus seruus seruorum Dei omnibus prælatis ecclesiarum, ad quos literæ istæ peruenient, salutem
& apostolicam benedictionem.*

QVONIAM ad episcoporum maxime spectat officium afflictis & laborantibus subuenire, vnumque illorum, licet deficientibus meritis nostris, Deus esse nos voluit, prospicere tenemur & volumus, ne quis ex fortuitis casibus per Romanæ visitationem ecclesiæ laboris sui, quem ad eam veniendo sustinuit, debito frustraretur effectu. Inde siquidem fuit, quod nos multorum prospicere volentes expensis, & alleuare labores, de consueta sedis apostolicae misericordia duximus statuendum, ut literæ prædecessoris nostri domini Urbani, a tribus mensibus ante ipsius obitum destinatae pro facienda iustitia & litigiis dirimendis, quæ tamen manifestum alicuius præiudicium non contineant, aut calumniam æquitatis, eumdem habeant tempore nostræ administrationis effectum, quem habere, si adhuc viueret, debuissent. Cessante

igitur exceptione de mandatoris morte, perficte quod
mandauit agendum, vt nemo ad nos pro excusatione hu-
iusti accepta per illum iustitiam obtinendi fiducia co-
gatur vacuus laborare. Datum Ferrariae * sexto Kalen-
das Nouembris.

ODONIS
EPISCOPI PARISIENSIS
SYNODICÆ CONSTITUTIONES.

In nomine sanctæ Trinitatis incipiunt prohibitiones &
præcepta obseruanda ab omnibus sacerdotibus, data
a venerabili Odone Parisiensi episcopo.

CAPUT I.

De modo & tempore celebrandi Synodus.

1. *Fit Iouis in luce Synodus quæ proxima Lucæ.*

Lux Iouis hac replicat tertia pascha sequens.

IN principio Synodi, antequam cantetur, Veni creator Spiritus, quæratur vtrum præsentes sint abbates & sacerdotes qui tenentur Synodo interesse. Ethoc factō incipiat episcopus alta voce, Veni creator: quo finito dicantur orationes, his precibus præcedentibus, Pater noster: Et ne nos, &c. Benedicamus Patrem, &c. Post partum, &c. Lætamini in Domino, &c. Fiat pax, &c. Domine exaudi orationem meam. Dominus vobiscum. Orationis, Omnipotens sempiterne Deus, qui dedisti famulis tuis, &c. Actiones nostras quæsumus Domine, &c. Deus qui salutis æternæ, &c. Propitiare quæsumus Domine nobis famulis tuis per sanctorum tuorum, quorum corpora vel reliquiae in ecclesia præsenti requiescunt, merita gloria, vt eorum pia intercessione ab omnibus semper protegamur aduersis. Infirmitatem nostram quæsumus Domine respice, &c. Deus a quo sancta desideria, &c. Per Dominum, &c. Finitis orationibus residebunt, & legetur lectio: qua lecta fiet sermo.

*Synodus o-
lim celebra-
batur exto-
to triduo,
idque cum
ceremoniis
& precibus
solemnibus,
quales fecer-
hic descri-
buntur, vt
videre est
apud Bur-
chardū ad
finem Con-
cilii Sale-
gunstadien-
sis.*

C A P V T I I.

De eodem.

1. Finito sermone licentiaabit episcopus laicos & scholares, & alios clericos qui non debebunt Synodo interesse. Hoc facto legantur præcepta Synodi.

2. His expletis, dicantur capitula quæ sunt addenda, & in fine districte præcipiantur ut seruentur a sacerdotibus. Deinde sequuntur preces pro necessitate locorum & personarum.

3. Districte præcipitur sacerdotibus ut ieuni intrent Synodum: in ieunio enim debet fieri & oratione.

4. Districte præcipitur ut induit albis & stolis intrent sacerdotes Synodum illam quæ celebratur tempore paschali: illam vero quæ fit Septembri superpelliciis tantum & stolis.

5. Prohibetur sacerdotibus ne causas adducant ad Synodum, aut aliqua negotia quæ non pertinent ad quosdam, & ne sibi tunc * minuatur, cum debent Synodo interesse, prohibetur.

6. Præcipitur districtius ut omnes presbyteri, maxime curam animarum habentes, veniant ad Synodum: & si graui infirmitate detenti aut alia necessitate ineuitabili venire non potuerint, suum capellatum mittant, aut clericum loco suo.

7. Præcipitur in eundo & redeundo a Synodo honeste ambulent presbyteri, & honesta querant hospitia, ut in eis circumspecte se habeant, ne status clericorum vertatur in contemptum & opprobrium populo. Præcipimus in virtute Domini nostri & Dei, & obedientiæ, ut honor maximus & reuerentia debita singulis sacramentis sanctæ ecclesiæ præcipue a sacerdotibus & clericis exhibeantur, & ut laici similiter exhibeant in quantum sacerdotes monent eos & exhortentur.

C A P V T I I I.

Capitula baptismum tangentia.

1. Baptismus cum reuerentia & honore celebretur, & cum magna cautela, sub hac forma: N. ego baptizo te, in nomine Patris, & Filii, & Spiritus sancti. Et caueat ma-

xime in distinctione verborum & in prolatione, in quibus tota virtus consistit sacramenti & salus puerorum. Et in Romano sub eadem forma doceant frequenter sacerdotes laicos baptizare debere pueros in necessitate: patrem etiam & matrem in summa necessitate: & post inundationem ea facient sacerdotes pueris quæ solent fieri post immersionem.

2. Pro baptismō nihil omnino ante exigatur: sed post, laudabilis consuetudo exigi potest.
3. Fontes sub sera clausi custodiantur propter sortilegia. Chrisma similiter & sacrum oleum sub clave seruentur.
4. Semper sacerdos interroget laicum diligenter, cum in necessitate baptizauerit puerum, quid dixerit & quid fecerit. Et si inuenierit laicum discrete & modo debito baptizasse, & formam verborum in Romano integre protrulisse, approbet factum: sin autem non baptizet puerum modo debito. Et hic est modus: Petre, si es baptizatus, non te baptizo, si non es baptizatus, ego baptizo te, &c.
5. Ad eleuandum paruum de fonte tres ad plus recipiantur; quod enim amplius est a malo est.

CAPUT IV.

Capitula de sacramento confirmationis.

1. Sacerdotes frequenter moneant populum ad confirmationem puerorum.
2. Post baptismum debet suscipi sacramentum confirmationis.
3. Quod si confirmandus adultus fuerit, confiteatur prius, & postea confirmetur.
4. Sæpe dicatur laicis ne expectent diu ad confirmandum pueros aduentum episcopi, sed ducant eos ad eum, nisi adesse audierint prope: & quod possint nomina mutari pueris, si velint, in confirmatione, aut si visum fuerit expedire.
5. Nullus sacerdos confirmare aut consecrare virgines præsumpsiterit: solius episcopi est confirmare, virgines consecrare, ecclesias dedicare, ordines dare.

22 ODONIS EPISCOPI PARISIENSIS

CAPUT V.

Capitula de sacramento altaris.

1. Summa reuerentia & honor maximus sacris altaribus exhibeatur, & maxime ubi sacrosanctum corpus Domini reseruatur, & Missa celebratur.

2. Lintamina altaris & indumenta saepe abluantur, ad reuerentiam & presentiam Salvatoris nostri, & totius curiae caelestis, quæ cum eo praesens adest quotiens Missa celebratur.

3. Calices, quibus infirmi communicantur, decorantur, & mundi custodiantur, ut deuotius communicent infirmi.

4. Ampullæ vini & aquæ in ministerio altaris mundæ & integræ habeantur: similiter ampullæ chrismatis & olei sancti.

5. Non permittant presbyteri diacones (communatur episcopus eis qui hoc non seruant) deferre infirmis sacro-sanctum corpus Domini, nisi in necessitate, cum sacerdos absens fuerit; sed semper sacerdos cum magna reuerentia & maturitate deferat in pixide eburnea bene clausa, propter casum, & cum lucerna precedente, [†] cantantes septem psalmos penitentiales cum litania pro infirmeundo & redeundo. Si longa via fuerit, addant quindecim psalmos, & alias orationes: sic enim debitum persolunt infirmo, & audientes inuitant ad exhibendam Deo reuerentiam & honorem & orationem.

6. Frequenter moneantur laici, ut, vbicumque viderint deferri corpus Domini, statim genua flectant tamquam Domino & Creatori suo, & iunctis manibus, quoadusque transferit, orent.

7. In pulchriori parte altaris cum summa diligentia & honestate sub clave sacro-sanctum corpus Domini custodiatur.

8. Nulli clero permittratur seruire altari male ornato, * seruato in maiori ecclesia, ut nisi in superpellicio aut cappa clausa.

9. Nullus bis in die Missam audeat celebrare, aut cum duplice introitu, nisi in magna necessitate.

10. Nullus antequam matutinas dixerit canonicas, &

[†] Sacerdotem intelligit cum comite clero & aliis quotquot adeunt.

Primam, præsumat aliqua necessitate celebrare Missam.
IL Ad horas beatæ Virginis semper tertius versus dicitur, capitulo, vt obseruat H. S. Maria mater gratiæ, & cantentur in ecclesia cum nota & deuotione, vel in regendo an cauendo.

CAPUT VI.

Capitula de confessione.

1. Sacerdotes circa confessionem maximam curam adhibeant & cautelam, scilicet vt diligenter peccata inquirant; visitata, sigillatim; inusitata, non nisi longe per aliquam circumstantiam, sic tamen vt ex peccatis detur materia confitendi.
2. Ad audiendum confessiones communiores locum in ecclesia sibi eligant sacerdotes, vt communiter ab omnibus videri possint: & in locis abditis, aut extra ecclesiam, nullus recipiat confessiones, nisi in magna necessitate vel infirmitate.
3. In confessione habeat sacerdos vultum humilem, & oculos ad terram, nec aspiciat vultum confitentis (maxime mulieris) causa debitæ honestatis, & patienter audiat quæ dixerit in spiritu lenitatis, & ei pro posse suo pluribus modis persuadeat vt confiteatur integre; aliter enim dicat ei nihil valere.
4. *Incestum faciens, deflorans, aut homicida,
Pontificem querens: papam, si miseras ignem,
Sacrilegus, patris percussor, vel Sodomita,
Si percussisti clericum, Simonve fuiſti.*
5. Sacerdotes maiora referuent maioribus in confessionibus, sicut homicidia, sacrilegia, peccata contra naturam, incestum, & stupra virginum, iniectiones manuum in parentes, vota fracta, & huiusmodi.
6. Sunt tria in quibus nullus habet potestatem absoluendi, nisi dominus papa veleius vicarius, nisi in necessitate; scilicet in iniectione manuum in clericos vel quosvis religiosos, in incendio, per quam sententiam sunt vocati simoniaci: nihilo minus tamen talium rei remittendi ad episcopum.
7. In dubiis semper confessor consulat episcopum aut sapientes viros, nisi ex necessitate; quorum consilio certi-

24 ODONIS EPISCOPI PARISIENSIS

ficatus, soluat securius aut liget, maxime prælatos suos.

8. Audita confessione, semper confessor interroget con-
fitem si velit abstinere ab omni mortali; aliter vero non
absoluat eum, nec iniungat ei poenitentiam, ne inde con-
fidat: sed moneat ut iterum faciat quidquid boni poterit,
ut Deus cor illius illustret ad poenitentiam.

9. In iniungendis paruis poenitentiis sibi caueant sacer-
dotes: secundum enim qualitatem culpæ & possibili-
tatem confitentis debet esse qualitas poenitentia, alioquin
quod minus est requiretur ab eis.

10. *Cum furto raptus, cum fenore Simonis actus,*

De sic possessis eleemosyna non fit ab ipsis.

11. In furto, rapina, vsura, fraude, sibi valde caueant sa-
cerdotes: non alias iniungant poenitentias, scilicet Missa-
rum, eleemosynarum, & huiusmodi, priusquam reddide-
rint: non enim tale dimittitur peccatum, nisi restituatur
ablatum.

12. Nullus Missas quas iniunxerit celebret, nec trice-
narium nec annuale, & pro minus nullus triennale &
quinquennale.

13. Frequenter presbyteri moneant ad confessionem, &
principue ab initio quadragesimæ instanter præcipiant ve-
nire generaliter ad confessionem.

14. In confessione caueant sibi confessores, ne inqui-
rant nomina personarum cum quibus peccauerint confi-
tentis, sed circumstantias tantum & qualitates: & si confi-
tentis indicauerit, arguat eum confessor, & secretum il-
lud teneat sicut confitentis peccatum.

15. Nullus ira, vel odio, vel etiam metu mortis in ali-
quo audeat reuelare confessionem signo vel verbo vllis,
generaliter vel specialiter, ut dicédo: Ego scio quales es tis.
Et si reuelauerit, absque misericordia debet degradari.

16. Omnes præcipiant instituta iejunia seruari, ut ieju-
nium quadragesimæ, quatuor temporum, vigiliarum, ni-
si ex magna & rationabili causa contra fiat, & sextæ fe-
riæ: ex debito enim tenentur facere talia iejunia.

CAPVT VII.

Capitula circa matrimonium.

1. Matrimonium cum honore & reverentia celebretur,
nec

nec cum risu & ioco; nec contemnatur, etiam si secundæ & tertiae fiant: antequam fiat, semper tribus dominicis aut tribus festiis diebus æque distantibus, quasi tribus edictis, perquirat sacerdos a populo sub poena excommunicationis de legitimitate sponsi & sponsæ qui debent coniungi, & ante fidem datam de contrahendo matrimonio, & ante hæc tria edicta nullus audeat aliquo modo matrimonia celebrare.

2. Prohibeant firmiter laicis, per excommunicationem, fortilegia fieri: malefici quoque & celantes consanguinitatem & alia impedimenta matrimonii, votum, ordinem, consanguinitatem, affinitatem, disparem cultum, compatrinitatem, quæ tantum quatuor a matrimonio excludit personas, compatrem, commatrem, filiolum, & fratrem & sororem spiritualem, scilicet, filium vel filiam patrini *.

* Hic de se excommunicati publicentur.

3. Nullus sacerdos audeat perfidere matrimonium in casu dubio, inconsulto episcopo, sed ad eum semper referat omnes matrimonii dubietates, si opus fuerit.

4. Prohibetur districte sub poena suspensionis ne ullus sacerdos aut capellanus exigat aliquid ante benedictionem nuptialem, siue pro testimonio ferendo, siue pro matrimonio celebrando, occasione ferculorum quæ debentur pro nuptiis: celebrato autem matrimonio recipiat fercula sua, & exigat, si necesse fuerit, sicuti consuetum est.

5. Prohibeat sacerdos in ecclesia publice sub excommunicatione ne alter coniugum transeat ad religionem, aut recipiatur nisi per episcopum.

CAPUT VIII.

De sacramento extremæ unctionis.

1. Cum reuerentia deferatur oleum sanctum ad infirmos, & eos vngant sacerdotes cum magno honore & orationum celebritate quæ ad hoc sunt ordinatæ, & nihil inde penitus exigatur, siue a paupere, siue a diuite: sed si quid gratis datum fuerit, gratis accipient.

Infirmi
quomodo
visitandi &
admonendi
sunt vide
Concilium
Namneten-
se cap. 4.

2. Ad sacramentum extremæ unctionis moneant populum sacerdotes, non tantum diuites & senes, sed pauperes & iuuenes omnes a tempore discretionis, maxime a

Concil. Tom. 28.

D

26 ODONIS EPISCOPI PARISIENSIS

quatuordecim annis & supra, & ad omnes communiter, vt se paratos exhibeant, cum necesse fuerit.

3. Doceant frequenter populum huiusmodi sacramentum licite iterari, & sape recipi, scilicet in qualibet magna infirmitate vnde metus est mortis: & post suscepitum licite reuerti ad opus coniugale eum qui conualuerit de infirmitate.

4. Librum qui dicitur Manualis habeant singuli sacerdotes parochiales, vbi continetur ordo seruitii extremæ vocationis, catechismi, baptismi, & huiusmodi.

5. Habeant singuli Canones poenitentiales, & ordinarium officium ecclesiæ, secundum usum & modum qui seruatur in ecclesia maiori.

6. Moneantur sacerdotes ne testamenta sua ordinent per manum laicalem, & ipsi frequenter prohibeant laicis ne sua testamenta faciant sine presentia sacerdotis, dicat episcopus quod non faciant eis in unum.

Hic incipiunt communia praecpta synodalia.

1. Præcipitur sacerdotibus vt omnes redditus & possessio- nes ecclesiæ scribant in missalibus suis, & prohibetur penitus presbyteris & parochianis, ne de his quæ sunt ecclesiæ aut presbyteri alienent ab ecclesia, nisi per consilium episcopi.

2. Prohibetur districte ne pro interragio corpus sepeli- ri differatur, sed post sepulturam exigant laudabiles con- fuetudines. Idem dicimus de similibus.

3. Quicumque reædificauerit in cœmeterio excommuni- nicetur, si principalis pars domus per se ceciderit.

4. Tribus diebus continuis vocetur excommunicandus, & nisi ad iustitiam se obtulerit, & fidem dederit quod ve- niet ad diem sibi assignatam, ac diem aduersario nuntia- uerit, excommunicetur: & excommunicatus nullo mo- do absoluatur, nisi a maiori, præterquam in articulo mor- tis, & tunc tamen data cautione, quod stabit iudicio ec- clesiæ.

5. Presbyteri super citationibus faciendis credant his qui dederint fidem: sed super excommunicationibus fa- ciendis non credant sine literis. Sententias audacter fe- rant, latas districte seruent, vt citius quam sententiæ

Locus hic
corruptus
est, & deest
quidpiam.

defiant, nemini parcentes, aut timore, aut amore, nec pro absolutis eos habeant, nisi eis bene constiterit.

6. Mortuæ in partu scindantur, si infans credatur viuere; tamen si bene constiterit de morte earum.

7. Sacerdotes auditio parochianorum suorum obitu, statim absoluant eos cum psalmis pro defunctis, & collecta.

8. Item inhibitetur ne faciant designationes ecclesiarum in manu abbatum, vel quorumlibet patronorum, sed in manu episcopi vel prælati sui.

9. Non permittantur prædicatores super arcas celebrare, nec pulsare campanas per vicos, nec loqui in ecclesiis, nec præsentare reliquias, sed tantum deferant ferenda, & sacerdotes pro illis loquantur.

10. Exhortentur populum semper presbyteri ad dicendam orationem dominicam, & Credo in Deum, & salutationem beatæ Virginis.

11. Moneant semper populum, & maxime mulieres, ne faciant vota sua, nisi cum magna deliberatione, & assensu virorum, & consilio sacerdotum.

12. Nullus sacerdos vel capellanus teneat in domo sua aliqua occasione mulierem, nisi sit mater aut soror, aut talis de qua visum sit episcopo quod careat omni suspicione inhonesta.

13. Prohibetur penitus vniuersis sacerdotibus ludere cum decisi, & interesse spectaculis, vel choreis assistere, & intrare tabernas causa potandi, & sine amictu, scilicet cappa vel pallio vel superpelliceo, & comite clerico vel laico intrare domos alienas, aut discurrere per vicos & plateas, & ne habeant cappas alatas & vestes inordinatas omnino prohibetur.

14. Nullus clericus vel regularis accipiat decimam de manu laici, nisi per manum episcopi.

15. Nullus clericus fideiubeat Iudæo vel feneratori, nec obliget pro pignore aliquo modo ornamenta ecclesiæ vel libros Iudæo.

16. Nullus recipiatur ad prædicandum, nisi sit authentica persona, vel ab episcopo vel archidiacono missus.

17. Nullus clericus faciat iusjurandum, antequam fuerit episcopo præsentatus.

18. Frequenter moneantur laici, vt non retineant deci-

Concil. Tom. 28.

D ij

28 ODONIS EPISCOPI PARISIENSIS

mas quas in periculum animarum suarum retinent.

19. Nullus clericus potest sibi retinere decimas iure hereditario possessas, sed auctoritate episcopi possunt clericis fructus recipere, ita tamen quod semper laborent, & quod ad ecclesiam reuertantur.

20. Die dominica praecedenti Synodus sacerdotes, qui capellanos non habent in suis parochiis, semper inquirant publice in ecclesia si qui sint infirmi in parochia, & tertia sequenti die visitent eos, si aliqui fuerint infirmi, etiam non requisiti, & faciant quidquid fuerit ad salutem animarum, ne mora, quam facturi sunt in Synodo, fiat occasio periculi: eorum nihilo minus tamen etiam saluti procurantes prouisionem quam solent facere per capellanos vicinos qui remanent & diaconos proprios.

21. Sacerdotes die octauo semper renouent sacramenta ad fontem benedictum oleo & chrismate, & sanctam eucharistiam, ne vetustate aliqui ad indeuotionem moueri valeant aut errorem.

Lxx. 22.

22. Si negligentia euenerit, ut, perlepto canone & perfecta consecratione, nec vinum nec aqua reperiatur in calice, debet statim infundi vtrumque, & sacerdos reiterabit consecrationem ab illo loco canonis, *Simili modo post eaquam cœnatum est, usque ad finem: ita tamen ut illas duas cruces omittat, quas singulariter fecit super panem. Quod si de simplice vino vel de aqua sine vino fiat consecratio, vinum reputatur pro sacramento, sed aqua non reputatur: & ideo ista negligentia de aqua posita sine vino maior & maiori poenitentia emendanda est.*

23. Si quid ceciderit de sanguine Domini super corporale, rescindendum est ipsum corporale, & in loco reliquiarum obseruandum: si palla altaris inde tincta fuerit, rescindenda pars illa, & pro reliquiis seruanda. Si super infulam, casulam, vel super albam decurrat, similiter fiat. Si super quodlibet vestimentum, comburenda est pars illa, & puluis in sacrarium reponendus est: si vero in terram ceciderit, lingenda est terra: si in ipsum sanguinem musca, vel aranea, vel aliquid tale ceciderit, quia non sine vomitu & periculo corporis*, est tergendus, & radendus locus ipse, siue lapis, siue lignum, siue terra, & puluis in sacra-
rio reponendus.

* deest
lingi po-
tenti,

24. Porro si in ipsum sanguinem musca, vel aranea, vel aliquid tale ceciderit, quia non sine vomitu & periculo corporis aliquando sumi potest, igne cremandum est, & tunc sanguis Domini sumatur: illud tamen quod intus ceciderit prius debet in calice vino perfundi, & quanto cautius fieri poterit ablui, & postea super piscinam comburi, & illam ablutionem sacerdos sumat. Quod si de corpore Domini super pallam altaris aliquid ceciderit, vel super quodlibet aliud vestimentum, non incidatur, sed vino abluatur, & a ministro sumatur vinum ipsum: quod si in primo datum reiicitur, prout diligentius poterit recipiat, & coniunctum cum vino in calice sumatur: sed integrum sumi non potest, eo quod ore alterius proiectum est.

25. Reus autem huius negligentiae, & qui cum eo participes fuerit culpae, competenti subiaceat disciplina: si autem supra lignum vel lapidem ceciderit, modus supradictus de sanguine Domini tenendus est.

26. Prohibetur sacerdotibus ne nimis festinent venire Parisios occasione Synodi, & ne magnam faciant moram sese visitando & reficiendo tam in via quam in ciuitate: quidam enim iter arripiunt a praecedenti dominica, vel a die lunae summo mane, & moram faciunt usque ad sequentem dominicam, & magnum imminet periculum saluti animarum.

27. Districte præcipitur ut quilibet sacerdos habeat in celebratione Missæ, propter munditiam vestimentorum circa altare, vnum manutergium.

28. Præcipitur presbyteris, vt cum in canone Missæ incepint, *Qui pridie*, tenentes hostiam, ne eleuent eam statim nimis alte, ita quod possit videri a populo, sed quasi ante peccatum detineant, donec dixerint: *Hoc est corpus meum:* *Matth. 26.* & tunc eleuent eam, vt possit ab omnibus videri: & post talem susceptionem tam corporis quam sanguinis, & vini puri, aliquantum ab expiendo abstineant: & si abstinere non possunt, in piscinam hoc faciant suauiter & vrbane: vinum autem potius rubeum ministretur in calice, propter similitudinem albi vini cum aqua.

29. Prohibetur districte sacerdotibus ne habeant secum prolem quam in sacro ordine susceperint propter scandala.

30 O DONIS EPISCOPI PARISIENSIS
lum; & ne in suis domibus habeant scaccos & aleas vel de-
cios omnino prohibetur.

30. Prohibetur districte sacerdotibus ne accipient ga-
zeras vel admodiationes, nisi de decimis, quoniam esset
species negotiationis: & ne habeant in palliis suis pecias
nisi blaui vel nigri coloris.

31. Similiter præcipitur presbyteris quod immobilia de
bonis ecclesie acquisita ecclesiis suis tantummodo legent;
(nam de iure aliud facere non possunt) de mobilibus vero
suis rationabile faciant legatum.

32. Item præcipitur sacerdotibus ut frequenter do-
minicis & aliis festiis diebus in aliqua parte sermonis
proponant fideliter populo symbolum fidei , & eis di-
ligenter distinguant articulos fidei , & in singulis confir-
ment populum auctoritatibus & rationibus sacræ scriptu-
ræ pro posse suo propter hæreticos.

33. Sciat is quod excommunicati sunt omnes illi in Syno-
do qui fidem dederunt vel acceperunt de celandis matri-
moniis: & excommunicatio ista recitetur in parochiis a
singulis sacerdotibus.

34. Prohibetur sacerdotibus ne habeant capellanos ha-
bentes cappas manicas, sicut nec ipsæ personæ debent
habere : præcipitur enim omnibus habentibus ecclesiis
ut ad singula tempora ordinum se ordinandos offerant ; &
hoc intelligitur in iuramento quod fecerunt.

35. Item præcipitur sacerdotibus districtissime , & sub
poena magna emendæ , vt custodiant præcepta synodalia
quaæ scripta sunt in libellis suis: quidam enim, licet iam elas-
pi sint tres anni ex quo prædictos libellos habuerunt, ita
sunt negligentes, quod nondum habent pixedem ebur-
neam, nec tabernaculum ubi referuetur cum honore cor-
pus Domini, nec fontes sub clave , nec chrisma vel oleum
in aliqua capsula.

36. Prohibeant sacerdotes ne fiant choreæ, maxime in tri-
bus locis, in ecclesiis, in coemeteriis, & in processionibus.

37. Prohibeant sacerdotes per excommunicationem, &
maxime tempore vindemiarum , singulis diebus dominici-
nis , ne aliquis Christianus retineat apud se marchum vin-
demiarum quem Iudæi calcant aliquo modo , propter il-
lam horribilem immunditiam quam in contemptum fa-

cramenti altaris faciunt: & si remanserit, detur porcis, vel expandant ad opus pro fimo.

38. Prohibeant per excommunicationem saepe ne carnifices permittant Iudeos laniare carnes suas, nisi totum detineant Iudei.

39. Item districte præcipitur presbyteris ne hostias, licet non sacratas, dent pueris vlo modo, & inhibetur ne celebrent sine caligis.

40. Item prohibetur districte ne sacerdotes cultellum portent cum cuspipe, nec clerici eorum.

41. Item districte prohibetur sacerdotibus ne permittant prædicare aliquos ignotos sive illiteratos, etiam extra ecclesiam, sive in viis, sive in plateis, sive in aliis locis parochia: sive: & saepe de dominicis diebus sacerdotes moneant, & etiam sub poena excommunicationis inhibeant parochianis suis, ne tales audiant propter pericula haeretum & errorum quos seminant.

42. Item districte præcipitur presbyteris quod moneant parochianos suos & parochianas, quod prouideant ecclesiæ Parisiensi, quæ multum indigit albis, & stolis, & toallis, & huiusmodi.

43. Item moneant solcite & assidue parochianos suos, vt in Albigenses haereticos se accingant, & iterum eamdem habebunt indulgentiam quam alias habuerunt.

44. Item moneant presbyteri sub poena excommunicationis omnes illos qui crucem habuerunt, & votum suum non sunt prosecuti, quod crucem suam & propontant resumere, & portent.

45. Item præcipitur omnibus presbyteris, quod excommunicent in generali omnes illos qui fecerunt conspirationes contra presbyteros suos, vel contra ecclesiæ suas.

46. Item præcipitur presbyteris, vt cum aliquis confiteatur eis se fidem dedisse alicui mulieri de matrimonio contrahendo cum ea, & post fidem datam cognouit eam, non dent ei licentiam contrahendi cum alia, quoniam sequens carnalis copula cum illa cui fidem dedit matrimonium confirmauit.

47. Item districte præcipitur presbyteris & sub excommunicatione ne aliquos matrimonio clandestino coniungant vel benedicant.

32 ODONIS EPISCOPI PARIS. CONSTIT.

48. Item excommunicentur omnes illi qui faciunt se coniungi clandestine, aut benedici, & omnes illi qui interesse præsumunt sacerdotes.

49. Item præcipitur presbyteris ut, quotiens dubium erit quando aliqua ieiunia vel processiones institutæ fieri debent, sicut in festo sancto sancti Marci, petant a decano loci, & sine eius consilio ea facere non præsumant.

50. Item præcipitur presbyteris ut, quando mulieres post puerperium veniunt ad purificationem, dent eis tantummodo panem benedictum, & corpus Domini eis nullo modo proponent, nisi expresse petant, & prius confessæ fuerint.

51. Item moneant presbyteri parochianos suos in confessionibus & in prædicationibus suis ut saltē semel in anno peregrinando visitent ecclesiam Parisiensem.

52. Præcipitur districte omnibus presbyteris ut pro domino rege faciant specialem commemorationem, quando poterunt.

53. Item præcipitur presbyteris quod singuli scribant nomina parochianorum suorum confratrum ecclesie Parisiensis, & etiam scribant pro quanto quilibet est confrater.

54. Item præcipitur presbyteris, ne recipiant capellanos sine conscientia episcopi vel archidiaconi.

55. Item præcipitur presbyteris quod nihil exigant a parochianis suis, eo quod testimonium dant pro eis, quando debent matrimonium contrahere.

56. Item prohibetur districte, ne diaconi villo modo audiant confessiones, nisi in arctissima necessitate; claves enim non habent, nec possunt absoluere.

57. Præcipimus omnibus decanis quod inquirant de cetero, & in scriptum redigant nomina omnium presbyterorum, qui in decanatibus suis decedent, eaque deferant ad Synodum recitanda, ut oremus pro eis, & moneantur singuli presbyteri ut faciant seruitium speciale: hoc enim libentissime debent facere, quia, cum decesserint, fiet similiter pro eis.

58. Item districte præcipitur presbyteris omnibus quod excommunicentur in anno, scilicet in pascha, in nativitate Domini, & in festo ecclesie, omnes illos qui scienter celant

CLEMENTIS PAPÆ III. VITA. 33

celant feuda Parisiensia , & omnes illos qui sciunt super hoc aliquid , nisi illud reuelauerint Parisensi episcopo , vel eius mandatario.

59. Item præcipimus singulis presbyteris quod annuatim , idque in crastino sanctæ Trinitatis , anniuersarium omnium confratrum beatæ Mariæ per totam Parisiensem diocesim celebretur.

60. Præcipimus ut moneantur non Iudeis præstare rotas , secundum quod præceptum est , alioquin compellantur per excommunicationem.

N O T A.

* *Odonis.*] De venerabili Odone episcopo Parisensi ex Petri Ble-sensis epistola centesima vigesimali septima & centesima vigesima octaua hæc accipe : *Odo Henrici secundi Anglorum regis , & regis Gallorum consanguineus , inuitus ad episcopatum Parisiensem Mauricio mortuo raptus est : puer eleemosynas condiebat lacrymis : adolescentem Gregorius octauus pene pari episcopis honore exceptit , quem in Anglia reditum uberem habebas tribus scholasticis pauperibus dispergit deditque , ita ut paupertate sua ditaret.* Vide plura ibidem. Vixit ad annum Domini millesimum centesimum septuagesimumquintum.

ANNO
CHRISTI
1188.

VITA ET EPISTOLÆ CLEMENTIS PAPÆ III.

CLEMENS huius nominis tertius , patria Romanus , qui Paulinus antea nominabatur , ex cardinale Pra-nestino anno Domini millesimo centesimo octuagesimo octauo sub Friderico imperatore , octauo Idus Ianuarii pontifex factus est . Qui statim indicatam a prædecessore expeditionem ad terram sanctam promouere , eamque ad effectumducere laboravit , & indulgentiam confirmauit , statuens quod quicumque ea de causa sacram crucem suscepit , de omnibus peccatis , de quibus pœnitens confessus fuerit , auctoritate Dei & sanctorum apostolorum Petri & Pauli esset liber & absolutus . Hæc Rogerus : recensens etiam pro terra sancta recuperanda certam formulam precum ab eodem pontifice per singulos dies præscriptam . Cum senatu Romano conditioni-

Concil. Tom. 28.

Clemens
quid egerit.

E